



宋真宗御製玉京集卷之一

謝瑞麥表一道

玉皇

嗣天子臣某

誠感誠慶頓首頓首再拜

上言臣比者朝真之禮雖徇於後來若厲之心實虞於涼薄顧惟福壤遠顯祥徵俾彼膏田再生嘉穰覩靈休之協契知天意之眷懷祇荷降禎益思自勵臣無任感幸激切之至謹奉稱謝以聞臣某誠感誠慶頓首頓首再拜謹言



謝祥瑞表三道

三清

嗣天子臣某誠感誠慶頓首頓首再拜  
上言臣伏以龍井檜壇禱靈禧而順拜福庭大室揆  
言日而告期枚卜攸同多儀斯薦高旻降鑒嘉應發  
祥內顧眇冲誕膺於介祉永惟勵翼用答於凝禎臣  
無任感幸激切之至謹奉表稱謝以聞臣某誠感誠  
慶頓首頓首謹言

玉皇

嗣天子臣某誠感誠慶頓首頓首再拜  
上言臣伏以颿馭降禎駐僊遊於中禁璿圖協慶示  
寶誨於億年顧今序之載臨乃精衷而照薦天祺紛  
委允彰眷祐之懷夕惕無忘益勵夤威之志臣無任  
感幸激切之至謹奉表稱謝以聞臣某誠感誠慶頓  
首頓首再拜  
謹言

聖祖天尊大帝

嗣天子臣某 誠感誠慶頓首頓首再拜

上言伏以報况於龍井福庭先期已戒祇見於琳宮  
清廟照告度伸禮盛煇蕭樂揚柑石蓋靈源之敷祐  
故瑞典而斯隆錫類之仁紹彰於丕應通追之孝永  
勵於精衷臣無任感幸激切之至謹奉表稱謝以聞  
臣某誠感誠慶頓首頓首再拜謹言

謝天地祥瑞表一道

玉皇

嗣天子臣某 誠感誠慶頓首頓首再拜  
上言伏以精衷昭格乃感動於靈心嘉應誕敷實章

明於天眷臣比者禮文祇考恣祀恭脩膺穹旻之降  
衷荷珍符之錫祐祥經交換瑞物荐臻表福祉之未  
成示基圖之永固內慚涼德獲顯鴻禎益勵小心用  
承丕錫臣無任感幸激切之至謹奉表稱謝以聞臣  
某誠感誠慶頓首頓首再拜謹言

謝雨表二道

三清

嗣天子臣某 誠感誠慶頓首頓首再拜  
上言伏以續紹慶基統臨浹寓寶資天祐用保民和

近者方展燔糶稍愆十雨慮傷稼穡致爽千箱冀觀  
離畢之祥庶協充箱之望爰伸密禱果洽明徵式顧  
原田已霑膏澤穹旻之眷既同影響而冥符夙夜之  
心益鑒盤盂而自勵臣無任感幸激切之至謹奉表  
稱謝以聞臣某誠感誠慶頓首頓首再拜謹言

玉皇

嗣天子臣某誠感誠慶頓首頓首再拜

上言臣紹臨綿寓獲致洽平祇答鑒觀豈忘寤寐近  
者方成茂典稍屬愆陽多稼充箱屢虧於豐茂油雲

觸石冀覩於霑濡密禱虔伸明徵下浹俄流甘澤溥  
濟大田眷祐之祥既昭昭而響答欽承之至志尤翼  
翼而日增臣無任感幸激切之至謹奉表稱謝以聞  
臣某誠感誠慶頓首頓首再拜謹言

為皇子謝加恩表二道

三清

嗣天子臣某誠感誠慶頓首頓首再拜

上言伏以覆之靈誕敷於丕祐本枝之盛克固於永  
圖某祇受天祺年當就傳載詢國典禮有建封爰疏

寵於苴茅復升榮於環衛誕昭嘉慶實帝室之增華  
率勵精心庶神禧之昭報益期介祉常茂多祥臣無  
任感幸激切之至謹奉表稱謝以聞臣誠感誠慶頓  
首頓首再拜謹言

又

嗣皇子臣某 誠感誠慶頓首頓首再拜  
上言伏奉制書云云者仰被茂恩伏增榮懼恭以疏  
封之典誠屬於本枝列爵之崇允歸於盛德伏念臣  
適當稚齒獲脩維城奉慈訓於顏方蒙天蔭錫徽章

於啟宇遠煥國經位峻桓圭秩尊環衛集邦家之異  
數昭藩屏之鴻輝不自勵夙宵服勤詩禮務交修於  
忠孝庶永洽於慶靈臣無任感幸激切之至謹奉表  
稱謝以聞臣某誠感誠慶頓首頓首再拜謹言

為皇子生日表一道

玉皇

嗣皇子臣某 誠感誠慶頓首頓首再拜  
上言伏以候當朱夏月屆正陽隣元曆既望之辰乃  
本枝載誕之日天心錫祐宗緒凝禎俾百福之咸宜

實三靈之丕既敢不益勤齋慄用報高明期昭鑒之  
俯臨庶繁禧之常茂臣無任感幸激切之至謹奉表  
稱謝以聞臣某誠感誠慶頓首頓首再拜謹言

謝忠武軍大麥表一道

玉皇

嗣天子臣某 誠感誠慶頓首頓首再拜

上言今覩忠武軍奏大麥一莖七穗者竊以靈心眷  
顧瑞典昭彰瞻被原田育茲嘉麥而况生闕輔之奧  
壤俯接於都畿因農畝效祥用昭於善歲既欽承於

丕祐彌勵翼於精忠臣無任感幸激切之至謹奉表  
稱謝以聞臣某誠感誠慶頓首頓首再拜謹言

謝玉石過淄州氣色表一道

玉皇

嗣天子臣某誠感誠慶頓首頓首再拜

上言伏以靈宮疑謁將祝於純禧瑞謀章明用昭於  
景既矧先期之誕戒復清醮之方修素魄效祥商雲  
表異降瀼瀼之甘露霑鬱鬱之喬柯內顧眇躬膺茲  
丕應欽承之志實積於夤威敷祐之仁庶隆於億萬

臣無任感幸激切之至謹奉表稱謝以聞臣某誠感  
誠慶頓首頓首再拜謹言

冬至謝表一道

玉皇

嗣天子臣某誠感誠慶頓首頓首再拜  
上言伏以歲序言周天正斯屆大田之稼克協於順  
成率土之民咸躋於仁壽臣獲膺靈眷仰紹慶基萬  
國未庭實懷於景貺九功惟序永賴於純禧臣無任  
感幸激切之至謹奉表稱謝以聞臣某誠感誠慶頓

首頓首再拜謹言

年節謝表一道

玉皇

嗣天子臣某誠感誠慶頓首頓首再拜  
上言伏以銅儀成歲緹管生春罄寓多歡咸躋於仁  
壽含靈有幸並集於福禧臣猥以眇躬續茲丕緒夙  
興之志敢怠於欽承紹至之祥益期於昭錫臣無任  
感幸激切之至謹奉表稱謝以聞臣某誠感誠慶頓  
首頓首再拜謹言



奏告加上聖號表三道

玉皇

嗣天子臣某 誠感誠慶頓首頓首再拜  
上言臣猥以眇冲承茲保佑俯臨縣寓既荷於監觀  
仰報降禎敢忘於乾鞏是以翹瞻紫極恭薦鴻名由  
顯應之下垂俾精忠之上達今則對越真像昭示輔  
臣將申命於攸司佇誕興於徽則清都在望同咫尺  
之不遑丹腑聲伸庶高明而斯察謹奉表故告以聞  
臣某誠感誠慶頓首頓首再拜謹言

又

嗣天子臣某 誠感誠慶頓首再拜

上言臣紹臨區宇獲保於隆平隆鑒基圖永惟於眷  
祐是以虔瞻普宙仰薦強名伸有翼之精心答無疆  
之寶命今則已頒中詔誕告外庭顧盛典之至克伸  
寶鴻靈而俯照內思涼薄彌切夤威但勵至恭庶昭  
丕錫臣無任精虔激切之至謹奉表奏告以聞臣某  
誠惶誠懼頓首頓首再拜謹言

聖祖天尊大帝

嗣天子臣某誠惶誠懼頓首頓首再拜

上言臣承積累之丕緒獲撫中區荷太紫之鴻禎用成至治仰瞻璿極祇薦寶名克膺眷祐之仁俾展黃威之禮今則已神誕告盛顯降祥內顧眇冲敢忘欽翼臣無任精虔激切之至謹奉表奏告以聞  
臣某誠惶誠懼頓首頓首再拜謹言

為奏告上聖號祥瑞表一道

玉皇

嗣天子臣某誠感誠虔頓首頓首再拜

上言臣恭藉鴻靈獲隆基緒方崇徽稱用報監觀恭對睟容親告台席遠顯彰於美應獲紛覩於祥經顧以眇軀承茲景貺但虔夕惕以答天祺臣無任感幸激切之至謹奉表稱謝以聞  
臣某誠感誠幸頓首頓首再拜謹言

謝降制告諭恭上聖號表一道

玉皇

嗣天子臣某誠感誠虔頓首頓首再拜  
上言臣獲膺寶歷用撫蒸民承眷祐之無疆勵黃威

而有益由是仰瞻普宙俯率繇區罄達精衷上崇顯  
號爰詢今日誕布外庭百執交趨共忻於嘉會九清  
垂鑒增盛於禎期敢不夕惕惟夤夙興靡舍庶茂宣  
於大典俾欽奉於鴻靈臣無任感幸激切之至謹奉  
表稱謝以聞臣某誠感誠慶頓首頓首再拜謹言

謝降制祥瑞表一道

玉皇

嗣天子臣某誠感誠慶頓首頓首再拜  
上言臣抑懷純錫俯率輿民祇薦鴻名茂揚寶貺外

庭宣布方協於元辰嘉瑞章明用昭於丕眷顧惟菲  
德荐覲祥徵益務至虔永承善應臣無任感幸激切  
之至謹奉表稱謝以聞臣某誠感誠慶頓首頓首再  
拜謹言

謝上寶號表一道

聖祖天尊大帝

嗣天子臣某誠感誠慶頓首頓首再拜  
上言伏以膺積累之祥丕圖獲啟荷監觀之德盛典  
攸伸臣虔紹慶靈撫綏黎獻寰區底定允賴於降禎

夙夜勵精敢忘於昭報是以俯同繇宇仰望玄都共  
薦丕名庶揚鴻祐凌兢之志方靡於自寧顧誕之仁  
遽彰於下濟今則已諧宣布將講禮容迴天聽之蓋  
高由僊源之協贊內惟冲眇祇戴詔謀但益夤威欽  
承錫類臣無任感幸激切之至謹奉表稱謝以聞臣  
某誠感誠慶頓首頓首再拜謹言

謝上寶號祥瑞表一道

聖祖天尊大帝

嗣天子臣某 誠感誠慶頓首頓首再拜

上言臣欽承覆冒祇紹和平但勵至虔用膺介祉比  
者俯同罄宇恭上鴻名式揅元辰方從誕布精心勵  
翼尚切於戰兢嘉應咸通遽彰於鑒祐永惟錫類茂  
顯降禎益務夤威丕隆道蔭臣無任感幸激切之至  
謹奉表稱謝以聞臣某誠感誠慶頓首頓首再拜謹  
言

謝允上寶號表一道

玉皇

嗣天子臣某 誠感誠慶頓首頓首再拜

上言臣聞丕圖累盛由普宙之鑒臨善應誕彰自清  
都之昭感獲荷高明之隆顧實增寤寐之夤恭竊以  
臣克紹成基有慚菲質茂膺寶命荐錫元符俾四海  
之咸寧賴九陽之垂旣雖巍巍之德祇荅無階而慄  
慄之心勵精曷舍由是思同率土上薦鴻名乾鞏內  
深誠思罄竭威神仰望彌切凌兢伏蒙天意冥通靈  
謀協契昭茲懇至示以允俞今則宣布繇區肅修大  
典豈唯冲眇曲被於顧懷實亦寰瀛共承於覆冒但  
勤夙夜用表欽崇臣無任感幸激切之至謹奉表稱

謝以聞臣某誠感誠慶頓首頓首再拜謹言

謝祥異等表一道

聖祖天尊大帝

嗣天子臣某誠感誠慶頓首頓首再拜

上言伏以開奧之圖早膺於丕錫集真之館爰勵於  
精心顧寶閣之肇營蓋琅函而斯奉崇梁錯事明應  
儲祥寶聳動於輿情益昭彰於瑞典恭承景旣伏積  
虔誠臣無任感幸激切之至謹奉表稱謝以聞臣某  
誠感誠慶頓首頓首再拜謹言

宋真宗御製玉京集卷之一

宋真宗御製玉京集卷之二

真遊殿祥瑞表十道

天

嗣天子臣某 誠感誠慶頓首頓首再拜

上言臣欽奉僊遊繕完祕殿僞功斯協降鑒尤明顧  
瑞典之交呈實靈心而丕顯載惟涼德獲荷於祥徵  
守乃慶基益勤於潔志臣無任感幸激切之至謹奉  
表稱謝以聞臣誠感誠慶頓首頓首再拜謹言

聖祖天尊大帝

嗣天子臣某 誠感誠慶頓首頓首再拜  
上言伏以聽遊降格蘭殿增修顧棟宇之方新覩祺  
祥之紛集虔披瑞謀茂顯靈心眷祐之仁既邦家而  
允洽欽承之志諒夙夜而無渝臣無任感幸激切之  
至謹奉表稱謝以聞臣某誠感誠慶頓首頓首再拜  
謹言

宣祖皇帝

嗣天子臣某 誠感誠慶頓首頓首再拜  
上言仰奉僖宗俯新秘殿欽承之意獲動於監觀紛

委之祥茂彰於尤異內惟涼德荐覩鴻禎但勵戰兢  
用承眷祐臣無任感幸激切之至謹奉表稱謝以聞  
臣誠感誠慶頓首頓首再拜謹言

太祖皇帝

嗣天子臣某 誠感誠慶頓首頓首再拜  
上言伏以真馭降臨告發祥於遼古曾軒增葺答儲  
祉於清都徵役在辰流禎屢顯瑞圖祇考實祐於家  
邦慶緒恭承虔隆於宗社臣無任感幸激切之至謹  
奉表稱謝以聞臣誠感誠慶頓首頓首再拜謹言

太宗皇帝

嗣天子臣某 誠感誠慶頓首頓首再拜  
上言伏以真馭排雲茂頒於鴻祐曾軒槩日用葺於  
完規言屬僞工荐彰降鑿禎祥紛委永荷於垂恩宗  
祐欽承益隆於追孝臣無任感幸激切之至謹奉表  
稱謝以聞臣誠感誠慶頓首頓首再拜謹言

昭憲皇后

嗣天子臣某 誠感誠慶頓首頓首再拜  
上言伏以鴻緒發祥皇圖累盛言新寶構用志飈遊

棟宇方興荐昭於明應祺祥疊委實荷於貽謀益勵  
孝思以承基命臣無任感幸激切之至謹奉表稱謝  
以聞臣誠感誠慶頓首頓首再拜謹言

孝明皇后

嗣天子臣某 誠感誠慶頓首頓首再拜  
上言向以寶貺昭彰飈遊臨暨顧延真之秘殿尊大  
狀之宏模玉應荐敷嘉祥茂顯禎圖有煥累集於家  
邦慈訓追思增勤於寤寐臣無任感幸激切之至謹  
奉表稱謝以聞臣誠感誠慶頓首頓首再拜謹言



元德皇后

嗣天子臣某 誠感誠慶頓首頓首再拜  
上言向以降紫清之御久集於宸闈恢棟宇之規用  
昭於丕祐鴻禎茂顯嘉瑞繼臻俯念眇躬誕隆於美  
應載惟慈訓伏切於至懷臣無任感幸激切之至謹  
奉表稱謝以聞臣某誠感誠慶頓首頓首再拜謹言

萬歲殿祥瑞表十一道

三清

嗣天子臣某 誠感誠慶頓首頓首再拜

上言伏以內寢具工方從於必葺上真降鑿曲表於  
殊祥克協祥圖允彰靈眷內慚菲德茂集於監觀仰  
報瓊霄但增於勵垂臣無任感幸激切之至謹奉表  
稱謝以聞臣某誠感誠慶頓首頓首再拜謹言

玉皇

嗣天子臣某 誠感誠慶頓首頓首再拜  
上言近以葺宇禁園方從於徵役儲仁霄極荐覩於  
降禎瑞典交臻靈心茂顯高明之祐實表於無方欽  
翼之心敢忘於若厲臣無任感幸激切之至謹奉表

稱謝以聞臣某誠感誠慶頓首頓首再拜謹言

聖祖天尊大帝

嗣天子臣某 誠感誠慶頓首頓首再拜

上言近以兩儀之殿方葺於規模百世之祥茂禳於  
眷佑克成壯麗交集禎祺眇薄之姿曲膺於介祉續  
承之志但勵於至虔臣無任感幸激切之至謹奉表  
稱謝以聞臣某誠感誠慶頓首頓首再拜謹言

宣祖皇帝

嗣天子臣某 誠感誠慶頓首頓首再拜

上言近以官司率職用葺於中闈帝室開祥茂膺於  
累善欽承嘉貺荐覩殊禎瑞典有孚寶昭於鴻蔭孝  
心無怠永奉於皇靈臣無任感幸激切之至謹奉表  
稱謝以聞臣某誠感誠慶頓首頓首再拜謹言

太祖皇帝

嗣天子臣某 誠感誠慶頓首頓首再拜

上言近以宸闈必葺久闕於興工吉日協期爰從於  
授役宗祊積德符瑞炳靈仰紹丕圖茂膺於眷祐內  
循菲質但切於凌兢臣無任感幸激切之至謹奉表

稱謝以聞臣某誠感誠慶頓首頓首再拜謹言

太宗皇帝

嗣天子臣某 誠感誠慶頓首頓首再拜

上言近者遵壯麗之規言脩於帝宇膺積累之祐茂顯於天祺宗祐炳靈福祥疊矩內惟眇德獲盛禎猷益務欽承用符追適臣無任感幸激切之至謹奉表稱謝以聞臣某誠感誠慶頓首頓首再拜謹言

昭憲皇后

嗣天子臣某 誠感誠慶頓首頓首再拜

上言近以禁宇歷年頗虧於宏壯良工揆日爰務於繕完嘉應荐彰丕禎屢覲宗祏之祐俯示於發祥夙夜之心敢忘於追孝臣無任感幸激切之至謹奉表稱謝以聞臣誠感誠慶頓首頓首再拜謹言

孝明皇后

嗣天子臣某 誠感誠慶頓首頓首再拜

上言近以中闈授役方在繕完普宙降祥遠彰鑿祐嘉祥屢覲瑞典寶符纘紹基圖茂臻於善應勵精夙夜庶展於孝思臣無任感幸激切之至謹奉表稱謝

以聞臣某誠感誠慶頓首頓首再拜謹言

明德皇后

嗣天子臣某誠感誠慶頓首頓首再拜

上言近以丹禁累年莫展斧斤之效梓人率職荐導  
壯麗之規方在授工屢觀薦瑞宗祧之佑彰累洽於  
有開繕治之心勵夤恭於善守臣無任感幸激切之  
至謹奉表稱謝以聞臣某誠感誠慶頓首頓首再拜

謹言

懿德皇后

嗣天子臣某誠感誠慶頓首頓首再拜

上言近以大壯之規方崇於中禁紛委之瑞荐洽於  
禎期宗稷降靈家邦協吉荷發祥之祐介祉交臻伸  
追孝之心鴻仁永恃臣無任感幸激切之至謹奉表  
稱謝以聞臣某誠感誠慶頓首頓首再拜謹言

元德皇后

嗣天子臣某誠感誠慶頓首頓首再拜

上言近以彤闈葺宇方屬程工紫宙降禎屢觀善應  
瑞圖允協丕貺實隆宗祐之仁俯垂於保佑家邦之

慶愈勵於纘承臣無任感幸激切之至謹奉表稱謝  
以聞臣某誠感誠慶頓首頓首再拜謹言

謝皇子加恩表一道

太宗皇帝啓聖院影殿

嗣天子臣某

誠感誠慶頓首頓首再拜

上言臣祇荷天祺茂隆世胄熊羆叶夢早盛於本枝  
寶玉分封今膺於丕典仰憑燕翼用保延洪屬明命  
之已頒勵孝思而彌積慶靈追感夙夜增虔臣無任  
感幸激切之至謹奉表稱謝以聞臣某誠感誠慶頓

首頓首再拜謹言

爲元德皇后升祔表二道

天

嗣天子臣某

誠感誠慶頓首頓首再拜

上言臣今者升祔先后合饗神宗揆元辰於日官展  
鴻儀於太室允祔眷祐獲舉典章虔伸若勵之心用  
佇來同之應伏冀繁陰不作愛景有融表穹昊之降  
靈俾聲明之茂著臣無任精虔激切之至謹奉表稱  
謝以聞臣某誠感誠慶頓首頓首再拜謹言

又

嗣天子臣某 誠感誠慶頓首頓首再拜  
上言臣比者伸劬勞之感展升祔之儀已祇考於元  
辰方虔修於合饗慮因陰曠或失禮容慰夕惕之交  
增祈神休之俯洽伏望克逢霽景獲顯祥徵俾盛典  
之有成安孝思之無措臣無任精虔激切之至謹奉  
表奏告以聞臣某誠感誠慶頓首頓首再拜謹言

謝祥瑞表一道

天

嗣天子臣某 誠感誠慶頓首頓首再拜

上言伏以僊馭降臨幸當於陽月元辰肇紀用答於  
上昊顧令辰之載周乃契誠而仰薦靈心昭感垂嘉  
瑞以章明神既欽承寶至精而增積臣無任感幸激  
切之至謹奉表稱謝以聞臣某誠感誠慶頓首頓首  
再拜謹言

宋真宗御製玉京集卷之二

宋真宗御製玉京集卷之三

謝皇子加恩表一道

玉皇

嗣天子臣某 誠感誠慶頓首頓首再拜

上言比者自天之祐下庇於本枝裂壤之封獲頒於  
成命臣仰膺靈眷克盛帝圖孺子勝衣早憑丕蔭名  
邦祚土載峻寵章家邦之祉實隆太紫之仁曷報惟  
思祇慄慎守於慶基庶洽升平用承於大造臣無任  
感幸激切之至謹奉表稱謝以聞臣誠感誠慶頓首

頓首再拜謹言

為疏決刑禁表一道

天

嗣天子臣某 誠感誠慶頓首頓首再拜

上言伏念猥以眇冲撫茲億兆克隆繼體實自降祥  
今以方屬長羸深傷縲繫將仰祈於錫羨敢俯議于  
在寬是用躬臨各從原減莫延丕祐用保修齡處伸  
祇告之誠恭佇咸宜之應謹奉表啓告以聞 臣某誠  
感誠慶頓首頓首再拜謹言

迎奉聖像表一道

又

嗣天子臣某 誠感誠慶頓首頓首再拜

上言伏以答元命之符肇新於祕宇摹高真之像已  
慶於成功僊馭遠迎中塗俯屆荷威靈之所被故跋  
履之悠宜敢薦精衷用揚丕既益期介祉以慰後來  
臣無任瞻望激切之至謹奉表以聞 臣某誠感誠慶  
頓首頓首再拜謹言

謝立仗景色表一道



天

嗣天子臣某 誠感誠慶頓首頓首再拜  
上言伏以恭紹帝圖允膺天祐盛儀每舉純嘏必臻  
比者聿屆元正言陳朝禮顧來庭於萬國承錫祐於  
三靈旭景含和輿情胥悅蓋高穹之委鑒故景福以  
咸宜益勵黃恭用酬保乂臣無任感幸激切之至謹  
奉表稱謝以聞臣某誠感誠慶頓首頓首再拜謹言

謝皇后授冊表一道

天

嗣天子臣某 誠感誠慶頓首頓首再拜

上言伏念猥以眇軀紹茲寶命恩隆內則用訓多方  
今者妙選元妃俾臨中饋庶宗祊而仰奉期風化而  
下流爰考令辰恭膺茂典緬瞻霄極實茂於福禧俯  
守璿圖愈懷於祗慄臣無任感幸激切之至謹奉表  
稱謝以聞臣某誠感誠慶頓首頓首再拜謹言

降聖節謝表一道

天

嗣天子臣某 誠感誠慶頓首頓首再拜

上言伏以早紆聽駕俯降中闈親聽寶音緬聞鴻緒  
肇新令節用茂純禧今則聿屆首冬復臨元日祺祥  
總至寶顯於顧懷夙夜勵精用承於保佑臣無任感  
幸激切之至謹奉表稱謝以聞臣某誠感誠慶頓首  
頓首再拜謹言

冬至謝表二道

天

嗣天子臣某誠感誠慶頓首頓首再拜  
上言伏以建子之月履長之辰九域蒸黎克隆於社

福萬齡命歷益洽於延洪臣內顧眇躬紹膺丕構無  
疆之佑曲荷於鑒臨若厲之心益隆於欽奉臣無任  
感幸激切之至謹奉表稱謝以聞臣某誠感誠慶頓  
首頓首再拜謹言

玉皇

嗣天子臣某誠感誠慶頓首頓首再拜  
上言臣祇守成基顧慚涼德膺上穹之錫祐致率土  
之洽平今以冬律屆期天正協節九圍底定咸被於  
福禧五稼順成罔聞於疵癘荷紫清之貺施增夙夜

之戰兢期益勵於撫綏用永康於生植臣無任感幸  
激切之至謹奉表稱謝以聞臣某誠感誠慶頓首頓  
首再拜謹言

年節謝表一道

天

嗣天子臣某 誠感誠慶頓首頓首再拜

上言伏以三陽肇始萬彙咸新溥率來賓或修於職  
貢照臨無外並洽於王正臣獲紹慶靈誕膺保佑懷  
生之福既荷於昭彰報既之心愈增於祇慄臣無任

感幸激切之至謹奉表稱謝以聞臣某誠感誠慶頓  
首頓首再拜謹言

謝聖祖降表一道

三清

嗣天子臣某 誠感誠慶頓首頓首再拜

上言今月十七日十八日獲於夕寐得奉靈期二十  
四日爰在禁庭肇紆鸞駕丕休所集方冊未聞眇德  
載思戰兢罔措伏念臣紹承命曆臨撫蒸黎夕惕靡  
忘夙興是念高穹之聽俯鑒於勵精率土之濱克諧

於治定向者荐頒祕錄恭展上儀實愧冲人遽揚盛  
節比者九天司命天尊神遊預兆僊馭下臻仰觀睟  
容俯聞寶訓清都景祐紛屬於有邦紫府高真誕恢  
於駭命此蓋三神介祉百福來同錫乃鴻禧彰于玄  
鑒敢不愈勤夙夜益務恪恭庶增祇慄之懷永報監  
觀之德臣無任感幸激切之至謹奉表稱謝以聞臣  
某誠感誠慶頓首頓首再拜謹言

上梁表一道

玉皇

嗣天子臣某 誠感誠慶頓首頓首再拜

上言伏以向者元符申錫靖館肇營建寶閣之宏規  
奉靈文之祕檢儻工有漸層構爰成言屆令辰幸陞  
巨橑俾殊猷而允集荷介祉之下昭益勵黃恭用膺  
顧謨臣無任感幸激切之至謹奉表稱謝以聞臣某  
誠感誠慶頓首頓首再拜謹言

祈福表四道

聖祖天尊大帝

嗣天子臣某 誠感誠慶頓首頓首再拜

上言伏以慶靈下浹肇啓昌圖祉福無疆實期丕蔭  
臣永惟眇質思獲純禧敢虔望於清都用恭禱於鴻  
應伏望誕彰景貺以庇於家邦允勵精心庶安於海  
域臣無任精虔激切之至謹奉表奏告以聞臣某誠  
感誠慶頓首頓首再拜謹言

又

嗣天子臣某 誠惶誠懼頓首頓首再拜  
上言伏以靈謀降鑒世德儲禎昭積累之鴻仁佑盈  
成之丕緒臣顧惟眇質克紹慶圖祇述精衷用祈鴻

應伏望黃威克照祉福茂臻彰景貺於九清保崇基  
於億載臣無任精虔激切之至謹奉表稱謝以聞臣  
某誠惶誠懼頓首頓首再拜謹言

又

嗣天子臣某 誠惶誠懼頓首頓首再拜  
上言伏以長發之符克成於帝業不匱之孝思集於  
天祺載念臣祇荷慶靈惠綏區寓將祈純嘏允勵精  
心伏望美應無疆祥徵丕顯愈勤纘服用報貽謀臣  
無任精虔激切之至謹奉表奏告以聞臣某誠惶誠

懼頓首頓首再拜謹言

又

嗣天子臣某誠惶誠懼頓首頓首再拜

上言伏以帝圖之盛實自於發祥道陰之隆允期於降顧臣茂承丕緒思庇無疆祇叩玄都庶諧有應伏望昭彰純嘏鑒佑下方愈極夤威用承履冒臣無任精虔激切之至謹奉表奏告以聞臣某誠惶誠懼頓首頓首再拜謹言

謝道場表一道

聖祖天尊大帝

嗣天子臣某誠感誠慶頓首頓首再拜

上言臣祇荅降禎虔脩法醮荐隆孚佑愈罄精心慶五稼之順成仰懷丕蔭考九清之科教用達至誠高明洞照於丹衷興寐益欽於鴻應臣無任感幸激切之至謹奉表稱謝以聞臣某誠感誠慶頓首頓首再拜謹言

五嶽觀祥異表一道

玉皇

嗣天子臣某 誠感誠慶頓首頓首再拜  
上言伏以列嶽儲祥中區是仰集靈建宇宏構方新  
精感所通明徵斯顯表神心之鑒佑增人意之黃威  
內顧眇躬獲臻嘉應欽酬景貺倍勵表衷臣無任感  
幸激切之至謹奉表稱謝以聞臣某誠感誠慶頓首  
頓首再拜謹言

星見謝表一道

玉皇

嗣天子臣某 誠感誠慶頓首頓首再拜

上言昨以祇謁檜庭欽崇於至道仰瞻珠緯瀆茲於  
丕禎觀瑞彩於德星見祥徵於寶曆太宮飲至歲律  
未移霄極著明靈輝再覲穹蒼垂佑溥率同和冲眇  
之軀荐臻於福祉凌兢之志愈切於纘承臣無任感  
幸激切之至誠奉表稱謝以聞臣某誠感誠慶頓首  
頓首再拜謹言

謝玉津園種成占城稻表一道

玉皇

嗣天子臣某 誠感誠慶頓首頓首再拜

上言向者肅膺寶眷昭自嘉生自殊俗而結根屆中  
區而挺質可滋瘠土足拒驕陽俾畎畝之農民保倉  
箱之歲事爰居靈囿肇伸播植之功暨涉商秋允副  
順成之望洪惟景貺茂集禎圖愈勵克恭奉承介祉  
臣無任感幸激切之至謹奉表稱謝以聞臣某誠感  
誠慶頓首頓首再拜謹言

謝降制立后表一道

玉皇

嗣天子臣某誠感誠慶頓首頓首再拜

上言伏以臣竇愧眇躬獲膺寶命思崇內治用訓中  
區必淑問以言求冀柔儀而允穆某氏早聞令德夙  
冠後庭將教化於河洲俾正名於椒掖已頒明詔俯  
告外朝此蓋穹昊眷懷家邦集慶期茂揚於壺教庶  
祇奉於宗祊恭答景靈敢忘勵志臣無任感幸激切  
之至謹奉表稱謝以聞臣某誠感誠慶頓首頓首再  
拜謹言

謝景色表一道

玉皇



嗣天子臣某 誠感誠慶頓首頓首再拜  
上言伏以臣獲紹成基誕膺丕佑將興盛典必荷殊  
禎比者言舉舊章式崇中饋當外庭之誕告遽美應  
以來臻景物融和祺祥昭顯但內增於乾鞏用仰答  
於高明臣無任感幸激切之至謹奉表稱謝以聞臣  
某誠感誠慶頓首頓首再拜謹言

謝禮畢表二道

玉皇

嗣天子臣某 誠感誠慶頓首頓首再拜

上言伏以靈期昭示真馭格思錫以天禧述茲帝緒  
欽承寶命冀答於丕休祇率精衷用伸於明薦至神  
委鑒美應誕敷景氣融和祺祥昭顯紹膺純祉允茂  
珍圖敢忘夙夜之憂勤以答圓清之既施臣無任感  
幸激切之至謹奉表稱謝以聞臣某誠感誠慶頓首  
頓首再拜謹言

又

嗣天子臣某 誠感誠慶頓首頓首再拜  
上言伏以肇膺寶命旋降真遊述帝緒之繇長示天

天休之紛屬至神保佑允協於格思嘉薦苾芬敢伸  
於昭報虔誠洞達美應章明旭景流輝殊禎表異載  
惟涼薄克荷監觀勵精意而有加答景靈而無捨臣  
無任感幸激切之至謹奉表稱謝以聞臣誠感誠慶  
頓首頓首再拜謹言

永天節表一道

玉皇

嗣天子臣某 誠感誠慶頓首頓首再拜  
上言伏以穹昊降康祖宗流慶顧惟眇德獲紹丕圖

當仲呂之御辰乃猗蘭之協吉隆平之緒昭介祉於  
中區保佑之微荷錫禧於霄極愈思勵翼用答監觀  
臣無任知感戰汗激切之至謹奉表稱謝以聞臣某  
誠感誠慶頓首頓首再拜謹言

謝迎奉聖像瑞應表一道

玉皇

嗣天子臣某 誠感誠慶頓首頓首再拜  
上言昨以緬瞻福地摹肖像而成功祇遣輔臣奉僊  
遊而戒路存承委鑒誕集繁禧屬跋履於洪川實紛

綸於景既奉安恭館永伸欽翼之心錫祐睿圖常佇  
昭彰之應臣無任感幸激切之至謹奉表稱謝以聞  
臣某誠感誠慶頓首頓首再拜謹言

宋真宗御製玉京集卷之三

宋真宗御製玉京集卷之四

天既節表二道

三清

臣名言向者紫壇潔祭將建於元封綠字降祥寶昭  
於景既肇新佳節用顯靈期霄極降康紹膺於多福  
璿璣仰察復屆於今辰况施永懷誠明益勵臣無任  
感幸激切之至謹奉表稱謝以聞臣名誠感誠慶頓  
首頓首謹言

玉皇

臣名言向者日觀建封將成於大典河圖錫祐遽顯於鴻禧紀丕應於元辰肇嘉名於令節寅威之志故夙夜以無忘保乂之祥屬歲時而斯浹益期齋慄用答顧懷臣無任感幸激切之至謹奉表稱謝以聞臣名誠感誠慶頓首頓首謹言

謝上尊號表二道

天

臣名言臣度議升中用伸報本勉從群望祇受崇名仰荷天休俯增夕惕臣名誠感誠慶頓首頓首竊念

臣繼臨大寶嗣撫群生顧慚寡昧之姿克致隆平治蓋三辰之垂祐俾百福以咸宜由是恭奉元符聿陳封祀眷言率土固薦徽稱載揆令辰允膺茂典由穹昊之降鑒成億兆之樂推敢不益勵小心愈勤昭事思上疇於顧謏唯下恭於蒸黎臣無任齋慄戰汗激切之至謹奉表稱謝以聞臣名誠感誠慶頓首頓首謹言

玉皇

臣名言伏以高明垂視用協於無私曆數會昌允鍾

於有德玄休俯洽徽號爰增雖仰荷於慶靈實內慙  
於寡昧竊念臣誕膺景貺嗣守成基賴穹昊之眷懷  
奉祖宗之謀訓夙宵自勵小心常畏於三辰遐邇粗  
康至治未臻於萬彙屬以青陽叶吉黃素垂文式疇  
元命之符虔採上封之議非敢揚於盛節但期答於  
洪禧豈意斑白群黎搢紳庶尹封章並獻稱謂載加  
顧溢美以為虞匪當仁而可處屢形敷讓靡奪輿情  
又念儀天尊道之名蓋施於昭事實應章感之旨寔  
契於降祥難遂固辭遽從祇受煥克終於祝禮方聿

舉於冊書輒伸薦告之文庶達寅恭之志永惟涼薄  
彌不迨違謹奉表啓謝以聞臣名誠感誠懼頓首頓  
首謹言

謝偃兵表二道

玉皇

臣名言臣自纘丕圖常虞黷武非因式過於寇亂未  
嘗輕舉於甲兵載念先后開基中區未靖每興薄伐  
上為弔民今則穹壤眷懷書文無外集茲成命屬於  
冲人祇慄內增寤寐無措是以俯伸精懇仰謝鴻靈

伏冀昭介祉于祖宗示降祥於冲眇勵至誠而有翼  
敷丕應而無垠臣無任知感祈恩激切屏營之至謹  
奉表奏告以聞臣名誠惶誠懼頓首頓首謹言

聖祖天尊大帝

臣名言臣恭承丕歷常戒佳兵苟當疆場之無虞未  
嘗戈甲而先舉載念兩朝創統諸夏未康每興薄伐  
之師蓋狗彘來之志今則慶靈所佑區宇大同猥以  
眇躬續茲鴻緒內惟戰慄交集衆心敢罄精誠用伸  
昭謝伏望降禎於二后介祉於冲人罄勵由衆誕期

丕應臣無任精虔激切之至謹奉表奏告以聞臣名  
誠惶誠懼頓首頓首謹言

爲二聖祈謝表二道

玉皇

臣名言臣祇荷鴻明紹臨繇寓好生之德常稟於高  
穹黷武之譏敢忘於古訓蓋每因於禦敵乃暫動於  
興師載念二后御圖四方未一蒸黎無告即用軫憂  
戰伐伸威止期平亂寔靡佳兵之志本懷濟物之心  
今則萬域攸同三神所佑追念干戈之未戢諒惟寤

寐以責躬伏願敷介福於祖宗錫純禧於冲眇申表  
之感增夕揚以交深不宰之仁佇天祺而斯洽臣無  
任精虔激切之至謹奉表奏告以聞臣名誠惶誠懼  
頓首頓首謹言

聖祖天尊大帝

臣名言臣內惟涼薄祇紹慶靈法天道而子民好生  
是務肆威武而樂戰誓志不為每屬興師莫非應敵  
載念祖宗創業書軌未同俯徇後來雖伸於薄伐暨  
當克勝即用於懷柔志本異於佳兵心但期於拯溺

今則上昊敷佑浹寓大康追思未息於干戈或慮莫  
分於玉石是以虔伸精意顛佇鴻禎伏望福二后於  
上仙庇冲人於纘服罄輸丹腑祇謝皇明恭惟察懇  
悃之心靡忘於寤寐錫紛綸之祉永祐於家邦臣無  
任祈懇懇禱激切之至謹奉表奏告以聞臣名誠惶  
誠懼頓首頓首謹言

祈雨表一道

玉皇

臣名言伏以災沴之生信由於人事精誠所至必動

於靈心竊念臣獲嗣丕基實慙昧道徒懷惕勵罔致  
和平顧雨澤之久愆慮農耕之失望雖再形於懇禱  
尚未克於感通啓處不遑鑒寐無措三辰垂戒蓋德  
教之有虧九穀靡登在蒸黎而可念是以重形悃悞  
仰許高明伏願息鳴鳶之風駐離畢之月流茲鴻澍  
蘇彼嘉生剪爪之勤故弗違於終日膚寸之潤期普  
濟於大田臣無任精虔激切之至謹奉表奏告以聞  
臣名誠惶誠懼頓首頓首謹言

謝雨表二道

玉皇

臣名言 臣聞風雨不時誠由於寡昧乾坤垂佑乃致  
於感通竊以臣獲嗣慶基未臻至治刑政有失早曠  
為災民將廢於春耕心日增於夕惕是以屢伸精禱  
庶格靈休果膏澤以應期俾原田而無害此蓋高明  
顧謐博厚眷懷豈涼德之可當諒群生之共荷既霑  
既足俯遂於虔祈克儉克勤愈懷於祇畏冀罔違於  
勵翼用昭答於監觀臣無任感幸激切之至謹奉表  
稱謝以聞 臣名誠感誠虔頓首頓首謹言



又

臣名言伏蒙聖慈特賜降雨者臣聞風雨不時誠由於寡昧乾坤垂佑乃致於感通臣名誠懼誠慶頓首頓首伏念臣獲嗣丕圖未臻至治刑政有失早暎為災纔露精誠普施甘雨此蓋睿慈委曲聖眷彌隆豈涼德而可當諒群生而同慶得觀豐稔樂上瑞於寰區更勵寅恭思少酬生育臣無任感思荷聖歡忭榮懼之至謹奉表稱謝以聞臣名誠歡誠慶頓首頓首言

又祈雨表四道

玉皇

臣名言近以亢陽為沴甘雨未霑慮有損於嘉生致莫登於善歲仰瞻層宙備形顯若之懷俯濟大田靡獲霑然之應敢再伸於精意庶克動於靈心俾鴻澍而允諧使中疇而協望凌兢斯積鑒佑期臻臣無任精虔激切之至謹奉表奏告以聞臣名誠惶誠懼頓首頓首謹言

又

臣名言近以甘澤未霑大田慮損倉箱之望莫保於  
順成夙夜之心靡違於寧處是以仰瞻環極疊貢精  
衷伏望洞鑒誠明誕敷福應俾驕陽之退舍使嘉雨  
之順時濟平秩之民免諧於善熟答無疆之佑敢忘  
於寅威臣無任精虔激切之至謹奉表奏告以聞臣  
名誠惶誠懼頓首頓首謹言

聖祖天尊大帝

臣名言近以自屆春時頗愆十雨永言農事慮乘千  
箱雖仰叩於清都尚未霑於鴻靈俯慙涼薄益用兢

心再禱慶靈虔思孚佑俾其濛之期降庶既渥而可  
諧允獲朝濟敢渝夕惕臣無任精虔激切之至謹奉  
表奏告以聞臣名誠惶誠懼頓首頓首謹言

又

臣名言近以仄管言新油雲罕布初初之澤莫潤於  
原芄芄之苗慮傷於億庾雖慶靈而仰叩顧霑洽而  
未諧伏望俯照至虔誕降丕應俾茲零雨濟彼中疇  
夙夜之心實戰兢而無措紫清之貺庶昭感而有孚  
臣無任精虔激切之至謹奉表奏告以聞臣名誠惶

誠懼頓首頓首謹言

為火罪已表一道

天

臣名言伏以高明降顧實顯諸仁冲眇承基豈忘罪已中謝竊念臣維城後夜烈焰延焚火禁不脩致震驚之斯作政經內省乃祇畏而交增今則寤寐載思啓處無措敢述宣於丹抱俟臨鑒於層穹臣無任戰兢憂惶激切之至謹奉表待命以聞臣名誠恐誠懼頓首頓首謹言

謝降天書表一道

天

臣名言 臣嗣守慶基獲膺駿命當上春之旭旦受大帝之祥符靈既荐臻丹表增暢臣名誠惶誠恐頓首頓首伏念臣猥以涼薄寅奉宗祧幸一紀于茲荷庶邦咸乂撫綏黎獻祇畏穹玄慮政之未孚懼德之弗類常加勵翼罔敢怠遑豈謂蒼昊儲祥高禎降鑒爰因獻歲之始特垂秘籙之文諭以十世之延長誨以為治之清靜周旋戒勅俯伏震驚臣敢不上奉神休

恭膺純錫虔守大中之道用康率土之民益誓精勤  
少酬覆露臣無任懇禱激切之至謹奉表稱謝以聞  
臣名誠感誠慶頓首頓首謹言

謝東封禮畢表一道

天

臣名言臣近者寶籙儲祥岱宗展禮荷洪休之載洽  
俾茂典以無違臣誠感誠幸頓首頓首伏念臣嗣守  
成基撫臨寓縣內循寡薄莫庇蒸黎徒惕勵以自勤  
何施德教顧治平而僅至寶繫明靈屬秘檢之下臨

因輿民之上請爰登喬嶽用答元符薦蒼壁而奠黃  
琮精誠雖竭賓百神而來萬國冲眇旣慙敢期雲起  
於園封尚虞雨至於中阪今則泥金告畢瘞玉言終  
盛禮咸宣殊禎顯應六駟初往免迷駕于襄城七萃  
未歸克受釐於宣室非高明之眷佑豈福之誕膺唯  
當勵翼君臨憂勤子育庶阜安於品物用昭報于穹  
昊臣無任祇畏戰汗屏營之至謹奉表稱謝以聞臣  
名誠感誠慶頓首頓首謹言

謝上二聖謚號表一道

天

臣名言臣恭答元符登封神嶽伸嚴配於穹壤增尊  
謚於祖宗盛禮載揚景靈是荷臣名誠感誠幸頓首  
頓首竊念臣顧慙涼德嗣守成基俯慶隆平仰懷錫  
羨是以勉從輿議虔舉上儀陳禋祝於喬峯聿崇大  
報益徽名於清廟用展孝思伏賴眷佑下臨典章克  
振獲諧追遠之志克資降鑒之明敢不寅畏居心憂  
勤思治庶保綏於萬國期對越于三辰臣名無任齋  
慄戰汗激切之至謹奉表稱謝以聞臣名誠感誠慶

頓首頓首謹言

謝秋成表一道

玉皇

臣名言臣聞庶彙生成並繫於妙道三天政令咸稟  
於虛皇既福應以攸彰實降祥而允賴臣夙慚涼德  
獲嗣成基百姓為心常思于惠養一夫失所豈敢於  
遑寧由休惕以疚懷致杳冥而垂佑瞻言南畝方屆  
中秋望萋萋之原田盈芾芾之穡事為水為旱雖申  
儆於冲人茨如梁實無愆於多稼允致豐年之上瑞

用安比屋之蒸黎此蓋正直儲靈高明降監由元和之交感俾嘉應以昭宣敢不履薄增虔乘奔積懼俯慎君臨之道仰符子育之仁臣無任感幸激切之至謹奉表稱謝以聞臣誠感誠慶頓首頓首謹言

謝今歲無事表二道

天

臣名言臣獲以寡昧恭紹慶靈祇畏三神雖小心而罔舍在宥萬國顧明德以多慙今者杓建云周陽春俯屆嘉生允植善氣交臻蓋穹昊之儲靈故黔黎之

集福敢不益思齋潔用答顧懷若勵之誠既夙宵而增惕紹至之祐期區夏以膺常臣無任感幸激切之至謹奉表稱謝以聞臣名誠感誠慶頓首頓首謹言

三清

臣名言臣獲守丕基有慙盛德乘奔之志唯戒於急遑降鑒之明誕昭於顧謨今以言周斗建肇屆天正疵癘靡興封疆絕警祇荷九陽之眷佑用諧萬國之晏寧恭答慶靈愈增虔畢期明徵之紹至俾庶彙以常康罄露精表佇迓嘉應臣無任感幸激切之至謹

奉表稱謝以聞臣名誠感誠慶頓首頓首謹言

謝天慶節表三道

天

臣名言臣顧慙寡昧祇荷景靈俾區夏之底寧賴穹  
昊之委鑒向以誕膺眷佑昭錫珍符肇紀元辰用揚  
丕應今則載周月紀益茂神休答玄既於高明但增  
夕惕降鴻禧於溥率愈冀日新庶保治平永綏蠢動  
臣無任感幸激切之至謹奉表稱謝以聞臣名誠感  
誠慶頓首頓首謹言

三清

臣名言臣紹應命歷獲撫中區仰荷眷懷用康庶彙  
向以青陽肇屆綠曆荐頒祇協靈辰聿新令節今則  
載周四序紛委千祥齋懍之心故無忘于寤寐高明  
之祐期紹集於家邦虔露精衷佇迴玄應臣無任感  
幸激切之至謹奉表稱謝以聞臣名誠感誠慶頓首  
頓首謹言

玉皇

臣名言臣獲嗣寶圖寶漸菲德俾人倫之交泰由天

意之曲成向以既施下臨珍符申錫仰儲休于獻歲  
紀協吉於靈辰今則言屆履端益彰降鑒二儀顧謏  
實增祇畏之誠九土樂康更埒格思之應庶紹膺於  
景福用永庇於群生臣無任感幸激切之至謹奉表  
稱謝以聞臣名誠感誠慶頓首頓首謹言

宋真宗御製玉京集卷之四

宋真宗御製玉京集卷之五

告謝詞六道

天

臣早因主鬯遂至承祧但思憂勤罔敢逸豫存更歲  
律馴致成平蓋龍襲慶於祖宗每推功於穹昊爰陟東  
岱俯順下民殊庭曠懷休佑斯及盼靈無際符瑞荐  
臻惟仰頌於昭回誠不忘於戒懼臣無任懇倒之至  
謹詞

又



臣纂承鴻業欽奉上天雖萬務憂勤不忘宵旰而八  
方清謐實自鑒觀寶符已示於殊禎貞馭復宣於景  
命內惟涼薄彌負戰兢但持勵翼之懷庶答高明之  
賜臣無任懇倒之至謹詞

玉皇

伏以三界攸宗十方所仰尊惟太上位極高貞蓋浩  
劫以難窮固強名之不及臣叨膺寶曆嗣撫蒸黎荷  
茲睠懷蒙被純嘏深惟大幸併在眇躬寢寤不遑祇  
慄無措臣無任懇倒之至謹詞

又

伏以造物之源咸歸於大道列貞之長是處於高天  
睠祐所臨欽承敢怠內慙涼德叨嗣慶基雖已洽隆  
平而益深祇畏至誠斯罄景旣聿垂敢不愈勵精心  
虔遵寶訓永期昭事少答顧懷臣無任懇倒之至謹  
詞

聖祖天尊大帝

伏以高極九天位尊眾聖是推寶命下迨冲人若乃  
銷偃五兵每歸功於道膺懷柔萬國寔受賜於貞庭

雖寅畏之常深於德教而何有屢膺戩穀交需純禧  
顧負荷以莫遑惟兢惕而彌厚臣無任懇倒之至謹  
詞

東嶽岱嶽觀

三清

伏以無得而升天所以為大莫知其始道於是居尊  
竊念祇嗣丕圖荐膺瑞命喬峯檢玉已籍於江茅吉  
壤痊繒復觀於汾鼎賴高明之眷佑俾典禮之昭彰  
由是瞻紀號之名山顧集靈之珍宇式嚴清醮用答

鴻休期精意以洞神煥殊禎而狎至臣無任懇倒之  
至謹詞

謝聖祖降臨詞二道

玉皇

伏以無始太虛莫窮貞躅含生有象皆被大恩萬化  
推尊百王受命惟冲人之寡薄紹曆數之延洪獲蹈  
貞風遐依聖廕清宵警寐遽降於靈仙紫殿凝神恭  
承於秘訓敢不虔遵景既愈勵深衷益修精潔之儀  
用伸致謝之禮臣無任懇倒之至謹詞

聖祖天尊大帝

伏以治國之基奉天為大化民之本崇道居先在欽  
翼之不忘故感通而斯至殊祥兆夢貞馭應期屬清  
夜之方蘭降紫宸而彌久躬宣聖訓昭示靈徵享是  
丕休寔慚涼德謹當益勤庶政上答洪恩臣無任懇  
倒之至謹詞

祈福庇民詞六道

天

伏以秉茲一氣總彼萬靈實覆育於群生用鑒觀於

率土竊念鴻基嗣守景貺荐膺雖粗致於治平故無  
忘於惕勵尚虞品彙罔獲晏安允資下濟之靈俾協  
咸寧之治是以虔伸清醮罄達素衷伏望祥降九清  
惠流六合星躔靡爽年穀有成衡漳秦華之封疆場  
不聳廣漢番禺之域縣道常康允混車書並消疵癘  
倘荷高明之賜愈增齋慄之心臣無任懇倒之至謹  
詞

三清

伏以混元之教無方之神蓋典洽於百靈用生成於

萬有竊念欽承駿命紹撫中區期茂育於黎氓但祇  
畏於穹昊尚虞涼薄罔致隆平思存擁于殊禎爰仰  
祈於純錫是以虔修清醮用達素衷伏望玄應昭彰  
黔民富壽三辰順序百穀用成交河遼海之封永通  
聲教五嶺二江之域常獲底寧克協惠綏允資顧謨  
敢勵寅恭之意載求保佑之仁臣無任懇倒之至謹  
詞

聖祖天尊大帝

伏以炳煥威靈發撫瑞命精心所仰純錫攸臻將下

庇於蒸黎實上憑於丕應伏冀人無疵癘歲保順成  
十雨協期五星順軌偃七兵於率土和一氣於含生  
清醮宿陳用祈於降鑒洪禧載洽允賴於儲休臣無  
任懇倒之至謹詞

又

伏以俯祐蒸民允資神道上迴玄鑿必勵精心竊念  
嗣撫中區內慙闕政去秋多稼頗失於歲功今載甫  
田益虞於天厲是以素衷下罄鴻福仰祈伏冀風雨  
不愆倉箱有望恭俟昭彰之應彌增戰慄之懷臣無

任懇倒之至謹詞

聖祖天尊大帝

伏以含生之患雖然定而有期錫類之祥必鴻禧而  
可禱緬瞻戎壘俯介邊陲屬洪潦之流行慮群倫之  
失所將祈景既敢薦精衷庶洞照於寅威用誕敷於  
祉福俾民災之弭息賴天祐之昭彰臣無任懇倒之  
至謹詞

太清宮

聖衆

竊念猥以眇躬紹臨大統荷百靈而降鑒俾九寓以  
咸宜瞻瀨水之福庭有清都之祕館寶昭介祉俯庇  
含生是以祇遣廷臣遠伸潔醮載形密疏聿道丹衷  
冀不昧於至神用誕敷於景既臣無任懇倒之至謹  
詞

謝天禎節詞一道

聖祖天尊大帝

伏以明靈之顧既昭昭而下臨祇畏之心乃乾乾而  
上達向者長嬴之月鬱蒼之區方展於元封荐頌於

祕檢紀茲令序用志於延祥錫以繁禧彌彰於降鑒  
戴臨吉日虔仰清都敢伸昭薦之精衷益佇來同之  
美應臣無任懇倒之至謹詞

會靈觀興工詞一道

伏以靈鑒錫符存承於丕應精心報既實罄於至誠  
竊念躬接誨言眇聞鴻緒肇建集貞之宇用昭長發  
之符爰揆日以聚工遽延祥而介祉緬瞻恭館仰謝  
繁禧期盼嚮以下垂庶靖恭而上達臣無任懇倒之  
至謹詞

景靈宮興工詞一道

玉皇

伏以僊遊昭格恭覲於睟儀寶誨欽承緬聞於丕緒  
荷發祥而斯在期錫類以無疆乃葺宇於福庭佇降  
貞於霄極庶工經始慎考於元辰嘉應流禎誕昭於  
景既敢虔伸於精意用祇答於明禎臣無任懇倒之  
至謹詞

皇子生辰詞二道

天

伏以臣紹膺元曆實愧眇冲獲茂本枝允昭既施瞻  
言孺子荐屆生辰永保佑之至靈克諧安乂感高明  
之介祉益勵寅恭敢罄達於精衷冀永敷於純錫臣  
無任懇倒之至謹詞

玉皇

伏以臣紹膺命曆實荷慶靈仰上帝之眷懷俾本枝  
之蕃茂眷言繼體俯及勝衣屬生日之戒辰感神心  
之降鑒敢伸精意用答鴻禧庶曲茂於延祥俾永膺  
於介福臣無任懇倒之至謹詞

祀事祈晴詞一道

三清

伏以妙道無方至神虛受獲膺保佑諒在虔恭比者  
言狗輿情恭脩潔祀將川塗而載涉恐雨雪以交零  
致茲扈從之人因乃泥塗之事敢伸精意致格丕休  
庶自啓行暨臨旋蹕克免常陰之患允彰降鑒之靈  
臣無任懇倒之至謹詞

為蟲螟詞二道

三清

伏以強名之道與太始以俱生不宰之神蓋群倫而  
總治竊念恭膺命曆唯務戰兢惠養黎元常期昭泰  
眷都畿之接壤屬農事之方興遠產飛蝗漸傷多稼  
實仰資於天鑒用俯矜於人災是以祇竭素衷上祈  
丕應伏望清都降<sup>祐</sup>金闕儲祥俾疢癘之咸消使和平  
之溥洽明明之福倘荷於來成慄慄之心愈思於若  
厲<sub>臣</sub>無任懇倒之至謹詞

玉皇

伏以百神受職咸聽於上靈萬彙化成並資於至道

洪惟丕應實顯洪休竊念祇嗣慶基有慙涼德惟精  
心而自勵庶和氣以常臻屬以都畿暨茲闕輔顧農  
耕而屆候遽螟螣而為災思上格於明徵敢下伸於  
精意庶膺純錫以兆豐年伏望玄感升聞紫清委鑒  
俾嘉生之並育致率土之咸寧蠢爾之民倘承於保  
佑惕然之志愈積於嚴恭<sub>臣</sub>無任懇倒之至謹詞

為迎鑄聖像詞一道

天

伏以比者擇福地而範鎔允成肖像詔輔<sub>臣</sub>而迎奉



仰祝降禎膺顧誕以誕敷錫福禧而紹至明靈眷祐  
景物清和跋履咸宜荐承於昭鑒至虔報既愈勵於  
精心臣無任懇倒之至謹詞

為聖像在路詞二道

天

伏以殊庭肇建答眷佑之靈貞愈仰摹勵欽崇之意  
元辰協吉迎奉戒期至應延祥感通實冀適當煩暑  
常保清和俾跋履之咸宜緊高明而錫佑臣無任懇  
倒之至謹詞

三清

伏以誕膺眷佑祇竭誠明恭館肇新用昭介祉辟容  
虔寫獲覩成功揆吉日以在辰奉貞儀而戒路伏冀  
鬱蒸靡盛氣序咸和俾利涉之攸宜彰炳靈之降鑒  
臣無任懇倒之至謹詞

景靈宮興 謝祥瑞詞二道

天

伏以昭彰之應允協於有孚齋慄之心實增於無斁  
竊念僊遊俯降寶緒欽承佇聽駕以常迴法琳宮而

必葺繕完茲始符瑞荐臻由是緬望殊庭恭伸精意  
冀答三神之佑益期百福之臻臣無任懇倒之至謹  
詞

又

伏以貞馭下臨奉睟儀之炳煥鴻源迭示承丕佑之  
昭彰既寶誨而欽承故純禧而仰答擇神區之爽塏  
建恭館之密清初吉在辰方興於庶役維祺協應爰  
覩於嘉祥敢伸勵翼之心用報紛綸之祉臣無任懇  
倒之至謹詞

謝祀汾陰禮成詞二道

東嶽王母殿

伏以龜臺福地夙擬神居日觀喬峯下迴僊馭靈遊  
所屬善應寶昭昨以祇答珍符虔修封祀俄慰後來  
於西土復祈介福於方丘俾茂典之有成賴殊休之  
伸錫是以遐瞻祕宇恭薦精衷期玄感以紹臨庶鴻  
禧之永洽臣無任懇倒之至謹詞

泗洲塔下

伏以化流貞俗惠浹人天奠五達之名區擬百常之

寶塔昨以時巡奠壤親祀坤靈典禮咸昭書文無外  
荷明祇之協吉資大士之儲休是以遐薦精衆用禱  
介福冀悲心之不捨俾繁祉以荐臻臣無任懇倒之  
至謹詞

滋福殿道場謝降臨詞一道

聖祖天尊大帝

伏以長發之符啓鴻源而有自來成之佑昭丕應以  
無方膺既施以荐臻勵齋明而斯積屬以睟容作繪  
秘宇延貞祇慄於中奉蕭薌而增惕監觀在上迴歛

駕以儲祥玉羽群嬉瑤觴徧舉緬懷錫類實用戰兢  
恭答凝禎豈忘欽翼敢罄伸於精意庶仰答於景靈  
臣無任懇倒之至謹詞

宋真宗御製玉京集卷之五

宋真宗御製玉京集卷之六

爲皇子事詞一道

聖祖天尊大帝

伏以靈禧玉顯道蔭博臨承累洽於天源顯多昌于  
世曾皇子某克諧成立咸繫寵綏具章綏而寶誨屢  
頒分珪玉爲列爵爰啓燕翼之訓垂慶緒以無疆祇  
畏之心率真科而仰報臣無任懇倒之至謹詞

祈福詞一道

聖祖天尊大帝

臣竊思錫類儲仁承基紹緒蓋仰依于積祐乃俯洽於  
于多祥今以炎氣方新火旗攸祝奉真科於琳館達  
精意于璇都伏願九城晏寧五稼豐楹黎元靡於疾  
疠家邦集於福禧繼孝之心敢忘於兢惕來同之祉  
常冀於昭彰臣無任懇倒之至謹詞

謝刻玉祥瑞詞一道

天尊

臣向以茂膺寶命申錫元符肇建琳宮用昭玉既秘  
文仰奉將置於琅函温玉言刊先摹於綠字式當協

吉方在致虔顧河洛之書近臨于外次瞻紫清之座  
益勵於至恭臣無任懇倒之至謹詞

為奉祀事詞九道

三清 玉清昭  
應宮

臣仰報純禧俯從後望屬鄉仙宇將展於朝脩春首  
令辰式遵於時邁敢伸嘉薦用禱祥徵伏冀霄極降  
禎綿區俾乂使輿情而咸若致盛典以斯成春祐之  
靈倘符於昭感寅畏之志彌切於至虔臣無任懇倒  
之至謹詞

聖祖天尊大帝

臣順考古經通宣茂則靈區款謁方祝於純禧法從  
戒期將詢於吉日佇祥徵而允洽故精意以虔伸伏  
冀佑錫高旻慶敷綿寓俾人祇而胥悅使典禮之成  
宜揚揚之心敢忘於善禱穰穰之應益俟於來同臣  
無任懇倒之至謹詞

三清上清宮

臣祇考禮經恭懷道蔭琳宮款謁已戒於先期玉輅  
省方即登於夷路冀誕敷於景既敢仰叩於清都伏

冀萬國咸康千祥紛委克揚茂則允賴純禧仰望殊  
庭顧精衷而斯薦益祈鴻應昭介祉而無疆臣無任  
懇倒之至謹詞

三清太一宮

臣緬瞻靈域祇謁僊祠協吉元龜已謀於剛日戒期  
大輅即涉於皇衢思介祉之誕隆故至誠而仰薦伏  
冀克揚嘉應茂集丕禎俾區寓之晏康致禮容之昭  
顯殊庭瞻望罄述於精衷神鑒彰明允期於鴻福臣  
無任懇倒之至謹詞

聖祖天尊大帝

臣仰懷純錫俯勵至精三檜之庭將伸於款謁六駭  
之駕方屬於戒期思眷祐以誕敷故寅威而昭薦伏  
冀高明降顧祉福未成俾溥率以咸康使禮容而克  
展無疆之錫儻荷於鑒觀不匱之心益期於祇慄臣  
無任懇倒之至謹詞

三清

殿 滋福

臣欽崇秘道款謁真官六轡省方已戒期於春序九  
遊即路將展禮於靈辰思鴻應之有敷勵精心而無

敷伏冀高明垂旒溥率同歡俾茂實之克揚俟丕休  
之允屬夙興之意敢急於至虔降鑒之仁益祈於丕  
顯臣無任懇倒之至謹詞

聖祖天尊大帝

臣緬望厲鄉載稽春序靈宮款謁已吉於先期齋輅  
省方俯臨於剛日佇凝禎之昭錫伸虔禱之勵精伏  
冀茂集千祥保康萬彙克揚盛節允賴鴻休祇慄之  
懷顧夙宵而靡舍鑒觀之佑期紫清以誕敷臣無任  
懇倒之至謹詞

謝玉清昭應宮奉安聖像祥瑞詞一道

三清

臣向以獲聞丕緒思佑寶圖乃勵至精用揚累盛申  
詔列郡虔奉貞儀建恭館於譙都方興茂則仰僊遊  
於瀟嶽遽集殊禎允協靈期再翔瑞羽祇荷昭彰之  
應實增齋慄之心臣無任懇倒之至謹詞

先天節詞一道

三清

伏以紀飈馭之下臨肇新令序顧靈場之中啓用報

鴻禎昭感有敷祥經丕覲集翩翩之珍羽見浹洽之  
純禧仰眷佑之心永隆於景既勵寅恭之志常守於  
慶基臣無任懇倒之至謹詞

內中設醮謝祥瑞詞一道

三清

臣紹膺寶命繼受珍符顧盛典之增修遽祥禎而昭  
顯喬雲絢彩僊羽流音穹厚之心表顧懷而斯在夙  
宵之志罄勵翼而攸勤中禁密清醮筵祇肅莫垂鑒  
佑洞察寅威臣無任懇倒之至謹詞



上清宫設醮謝祥瑞詞一道

三清

臣恭續成基誕膺丕既方琳宮而順拜爰霄極而降  
表嘉氣網緼靈禽頽頽荷高旻之鴻應俯佑禎圖勵  
明發之小心仰禱靈春瞻言靖館恭啓醮筵期委鑒  
之昭章洞至誠之欽翼臣無任懇倒之至謹詞

爲大事詞十三道

三清

玉清昭  
應宮

臣顧以眇躬續茲大寶雖純禧之溥洽實至治之未

臻屬以宮城偶延焚燎眷言朝列頗屬震驚雖人事  
之有因敢忘於祇畏庶靈謀之不昧曲照於戰兢虔  
達中懷用伸昭謝臣無任懇倒之至謹詞

玉皇

臣紹撫中區有慚盛德雖炳靈之曲佑然制治之失  
中屬以藩房煽茲遺燼久方從於撲滅遂頗致於延  
燒誠則因人敢忘罪已但思抑畏以務增修庶協側  
身允期降顧臣無任懇倒之至謹詞

聖祖天尊大帝

臣仰承保佑但積寅威俯念震驚靡遑寧處盖由王  
却不謹於周防乃致宮城頗延於焚燎寔慙人事莫  
副靈心引咎之懷但兢兢而無捨昭謝之懇庶明明  
而曲臨臣無任懇倒之至謹詞

北極

臣永惟涼德仰紹丕圖雖明發以自勤顧政經而多  
闕因茲王却不謹於防閑遽致宮城頗延於焚燎敢  
忘引咎以謝皇靈允冀儲仁洞明丹懇臣無任懇倒  
之至謹詞

天書

臣內顧冲人荐膺瑞命雖靡忘於恭已實無報於降  
禎餘燼相延偶興於王却連薨莫遏遂及於宮城載  
念震驚愈增祇慄敢思引咎用謝錫符臣無任懇倒  
之至謹詞

太祖皇帝

臣祇紹慶基茂膺蕃錫顧惟涼德靡報發祥屬烈猷  
之相延自維城而歛煽既難嚮爾遂致焚如內顧眇  
冲有虧於申儆仰懷夙累伏積於多慚昭謝宗祊敢

忘寤寐臣無任懇倒之至謹詞

太宗皇帝

臣欽承命歷祇紹基圖申儆有虧延災斯作顧茲遺  
燼偶發於宮城致彼焚煙頗驚於民聽載惟人事之  
不謹實慚邦治之無閑兢業之懷靡擅於明發昭謝  
之志庶罄於聿修臣無任懇倒之至謹詞

翊聖

伏以冲眇之姿仰膺於寶命兢業之志庶答於鴻禎  
言屬戚藩偶忘周慎遂令烈燄遽有延燒既覩震驚

益懷祗畏敢忘咎已用謝炳靈名無任懇倒之至謹  
詞

諸小殿

竊以命歷仰承茂臻景貺眇冲俯念莫報丕祥由不  
謹於維城致延災於烈燄震驚中禁焚燎端闡恩盛  
德之靡昭積丹心之引咎敢伸致謝允冀俯臨名無  
任懇倒之至謹詞

三清  
上清宮

臣眇冲之德靡足感通穹昊之仁誕回春顧莫洽建

中之治遠生炎上之祥維城偶失於慎微烈燄歛驚  
於延燎載惟菲薄敢怠責躬祇述誠明庶伸昭謝臣  
無任懇倒之至謹詞

玉皇

臣顧以眇躬紹茲丕歷雖靡忘於兢業蓋偶爽於隄  
防藩邸之中遽因遺燼端闈之內遂致延燒思有失  
於慎微實自深於克己恭伸昭謝允鑒至誠臣無任  
懇倒之至謹詞

聖祖天尊大帝

臣續紹慶圖祇畏靈命雖懷戰慄靡報鑒觀烈燄延  
災偶興於王邸環廊莫救遽及於端門內省眇冲靡  
遑寧處庶鴻源而昭謝敢精心而洞伸臣無任懇倒  
之至謹詞

宋真宗御製玉京集卷之六

宋史卷一百一十五

卷一百一十五

宋史卷一百一十五

宋史卷一百一十五

宋史卷一百一十五

宋史卷一百一十五



